

ABIADORIAK

JUAN JOSE SARASOLAK JARRIYAK

1

Bertsuak paratzeko
Jarri naiz gayian,
Urte sasoyian
Milla ta beatzireun da
Ogeita seyian,
Igande arrats batez
Pensatzen oyian
Sartu ote niteken
Nere arrazoyian,
Airoplanuen lanak
Berritu nayian.

2

Milla ta zortzireun da
Berrogei ta bostian
Egin zan ajustian
Jakinduriz etzeuden
Orain ainbestian,
Batzuek zardadian,
Bestiak gaztian,
Zentzu berdiñekoak
Zergatik ez dian,
Gizona juzgatzen da
Lanak ekustian.

3

Irurogei ta zazpi
Urte tenoreak
kunplitu gabiak
Esaten zigutenez
Lengo aguriak
Estados Unidos'ko
Abiadoriak
Munduan lenbiziko
Prueba ateriak.
Geroztik sortu dira
Sistema obiak.

4

Españiyan bezela
Reino bakoitzian,
Istillu latzian,
Lenengo asiera
Zuten arkaitzian,
Zabalera baño len
Eroritzen zian,
Nun nai ametitzeko
Moduan etzian,
¡Ai! ura naigabia
Ayen biyotzian.

5

Diotenez bizi da
Norteko partian,
Bere suertian
Asko sayatu zana
Koraje fuertian,
Guardasolaren forma
Lenengo urtian,
Gasolarik etzan
Gaŕtatzen artian,
Andik aurrerakua
Modu apartian.

6

Famak urrutikuak
Ziran oraindikan
Askoren gandikan
Esperantza aundiya
Zetozen andikan,
Inglaterran eta
Norteamerikan,
Rusiyan ta Turkian,
Gañera Afrikan,
¿Españiyan ez alda
Aman semerikan?

7

Damututa zeudenak
Berriz ere asi,
Ta eziñ galerazi,
Mekanikuen prueba
Guriak lenbizi,
Jeniyo berakuak,
Nerbiyuak bizi,
Egin biar zutela
Eten edo auzi,
Alemanira gabe
Etzuten ikasi.

8

Nunbait begira zegon
Infernuko Patxi
Oyen zerbait tatxi
Portatu gabe ezin
Famarik eratxi
Ogei metro altura
Ziranak iritxi,
Betik gora jua baño
Azkarrago jatxi
Gero sendatu arte
Fundamentu gutxi.

9

Orduko aitona zarrak
 Goguan zer zuten
 Zaudete entzuten
 Ez dala zimendorik
 Gabe erantzuten
 Ayen bistan norbaitek
 Miñ artzen bazuten
 Parte gaistua zala
 Ai ziran esaten
 Gobernadore danak
 Debekatu zuten.

10

Ogei ta amar urtian
 Pakia zan ortik
 Etzeguan bueltik
 Berriz logratu zuten
 Estranjeriyatik
 Beljikatikan eta
 Alemaniyatik
 Pranzas ta españolak
 Ara juanagatik
 Danak argitu ziran
 Jakinduriyatik.

11

Beste adelantuak
 gero ikasiyak
 Naziyo guziyak
 Batzuek egin arren
 Buelta itsusiyak
 Oroyan alturatik
 Beraño jausiyak
 Gizonak illak eta
 Makinak ausiyak
 Zeiñ eskarmentu du
 Ori ekusiyak?

12

Palos'tik Afrikara
 Lau gizon aidian
 Leorran parian
 Kortxosko lantxarekiñ
 Juateko urian
 Urdintasuna goyen
 Itsasua bian
 Millaka kilometro
 Pasiáz birian
 Nunbait deskantsatuko
 Altziran gabian.

13

Aitatik beratatik
 Egundako lanak
 Ez dira baldanak
 Buenos Aires eraño
 Leon dikan joanak
 Orain Españiyatik
 Daude kanpeonak
 Bizi diranentzat
 Portariyo onak
 Larrutik pagatzendu
 Deskuidatzen danak.

14

Negoziyo danetan
 Itz birea sortzen
 Zalla dago sartzen
 Zergatik erozeñek
 Ez du ondo artzen
 Bañon jakinduriyak
 diranean neurtzen
 Konduta duenari
 Ez diyogu galtzen
 Zepellinak aidira
 Karga asko jartzen.

15

Txoritik fundatuta
 Egindako moduak
 Ustez seguruak
 Beti nekatzen daude
 Zenbaiten buruak.
 Motor dobliak eta
 Belazko eguak
 Arranuak iltzera
 Dijuaz globuak
 Gero ta aparejo
 Airosuaguak.

16

Aize utsezko pruebak
 Omendira aurki
 Len beziñ ederki
 Esaten digutena
 Goguan eduki
 Espiriturik gabe
 Alturaño jaiki
 Sorginkeriya deitzen
 Ez bazayo oiki
 Zer ekusteko gauden
 Jaungoikuak daki.

17

Paristik etorriyak
 Beida ze eginduan
 Gure inguruan
 Ederki jostatu zan
 Enaran moduan
 Zaspi kanpana buelta
 Eman eta onduan
 Urpian sartu zala
 Ekusi genduan
 Geyago astarrenik
 Ez dute munduan.

18


Donostiyako Kontxan
Bi gizon famoso
Asieran gozo
Azkenian ayetaz
Egin biet kaso.
Lenbizi ito zana
Billatu eta jaso
Bigarren aldiena
Galdua da oso:
Orainguak ez daude
Aren peligroso.

19

Usuaren antzera
Linietan para
Asko aldetara
Goitik guruzen dira
Leku danetara
Kolon-ek artutako
Ameriketara
Batzuek urrutira
Bestiak bertara
Iya aberetsenak
Dijuaz ortara.

20

Or dabillenak ez du
Talenturik urri
Dabill gustagarri
Batzuetan lasai ta
Bestietan larri.
Titulo danak ondo
Elitezke neurri
Bañon prezisuenak
Nai nituen jarri.
Orra Juan Jose Lezok
Ogei bertso berri.



*Bertso hauek 1932an argitaratu
ziran BERTSOLARIYA aldizkarian*